



UNIVERSITÄTS-
BIBLIOTHEK
PADERBORN

Davidis Regii Prophetae Psalterivm

Moritz <Hessen, Landgraf>

Smalcaldiae, 1593

VD16 B 3258

Psalmvs C. Iubilate Deo omnis terra, &c.

[urn:nbn:de:hbz:466:1-68864](https://urn.nbn.de/urn:nbn:de:hbz:466:1-68864)

Quæseruare illis maxima cura fuit.
Ioua Deus noster, bonitatem tua cognita tunc est,
Ipsum audire cùm facili aure preces.
Cum condonares ipsis peccata benignus,
Et castigares improba facta tamen.
Exultate Deum, Dominum virtute potentem:
Montis adorate ad culmina sancta sui.
Sanctus enim est Dominus, ter maximus optimus
Robore et excellit laudis honore Deus. (idem,

PSALMVS C.

Iubilate Deo omnis terra, &c.

INcola mundi Domino dicate
Canticum: sancte faciem colentes
Illi vos nunc, agite, este cuncti
Pectore lato.
Quod sit hic vester Dominus Iehova,
Solus & rerum omnipotens creator,
Hinc liquet, vestrum quia nemo seipsum
Condidit unquam.
Hic suo iunxit populo sacrato
Nos oues quando misere relicias,

Bb 3

Ad su.

*Ad suum pastor bene preparatum,
Duxit ouile.
Ergo templi limen adite lati,
Conditoris laudibus euhentes
Nomen, ut suaves resonent per ampla
Atria cantus.*

PSALMVS CI.

Misericordiam & iudicium &c.

*Vsticiam Domini diuinaq; iura canemus:
Laudibus extollam te, Deus alme, nouis.
Qui mihi sunt fidi, quibus est in pectore candor,
His ego, syncero pectore, fidus ero.
Alma fides, & amor veri mea templa coronant:
Non soleo causas arte fouere malas.
Nil nisi prava ausos, odi cane peius & angue:
Tales non patiar mecum habitare viros.
Peruersi corde, ac reprobi mea limina vitent,
Non fero: ne veniant sub mea tecta mali.
Qui solet absentes mordaci rodere dente:
Hunc fugio, ut pestis dira venena male.
Odi ego, qui gestant fastidia corde superba,
Iunonis, gressu, quiq; imitantur auem.*

Sunt